

SERABAN 475 IKU STAF UNIMAS NERIMA SETIPIK, GELAR PENYULUT BA MAGU 2016

13 March 2016

- The Borneo Post Online

KOTA SAMARAHAN: Bisi 475 iku pengereja pengawa Universiti Malaysia Sarawak (UNIMAS) nerima gelar enggau setipikit ba ‘Majlis Anugerah Gemilang UNIMAS 2016 (MAGU 2016)’ ensanus.

Mandal Canselor UNIMAS, Prof Dato’ Dr Mohamad Kadim Suaidi madah, penerima nya nyengkaum raban ke udah pichin enggau ke deka pichin.

“Pengerami tu udah nyadi pengawa enggau adat ba UNIMAS dikena ngerami sereta ngakun bala penerima gelar penyulut dalam bidang pelajar, pengatur pengawa enggau servis sereta lumba enggau main.

“Taun tu kitai meri gelar ngagai 475 iku penerima setipikit ba MAGU 2016, lalu pengerami tu mega dikena kitai ngerami raban ke udah pichin enggau ke deka pichin,” ku iya.

Kadim bejaku munyi tu ba ‘Majlis Anugerah UNIMAS 2016’ ti diatur ba DeTAR PUTRA, UNIMAS ditu, kemari.

Pengerami nya mega dikemataka temuai ti pepadu dipebasa Sapit Kepala Menteri ti mega Pro Canselor UNIMAS, Datuk Patinggi Tan Sri Alfred Jabu Numpang.

Berebak enggau tu Jabu lalu diberi basa nyuaka Gelar Khas.

Penerima 475 iku nya nyengkaum 123 iku staf ti nerima Anugerah Perkhidmatan Cemerlang (APC) 2015, ke alai 151 iku staf udah diberi Anugerah Perkhidmatan Setia (APS) 2015, 14 iku staf mega nerima setipikit pinchin enggau 73 iku mega nerima setipikit servis 15 taun.

Iya mega madah, ba taun 2016 tu nengah rambai jaku ‘Komitmen Bersama Ke Arah Kecemerlangan’, udah meri pemujur ti nyengala sereta ngangkatka tikas nama UNIMAS sebaka enggau universiti bukai di menua tu.

“MAGU tu udah diatur pengelama enam taun,” ku iya.

Iya mega madah ba taun 2015, ‘program Blended Learning’ dalam ba pengawa ngajar udah dikemujur enggau manah.

Bala pengelicha dilalau ngena teknologi ke diatu ngambika kus ke diajar sama mujur setipak enggau pemansang kemaya hari tu, ku iya.

Lima kus ke udah dipilih sereta dipejalai nengah chara kolaboratif enggau raban pengelicha biak ti bisi pengelandik ba 'format Massive Open Online Courseware (MOOC)' ti ngujungka beribu iku nemiak di dunya tu ngenyemakka diri enggau UNIMAS nengah chara online.

Kelimpah ari nya, UNIMAS mega udah nyulut ba 'penilaian Webometrik' dalam taun 2015 ti udah nyaup nikika UNIMAS ari tangga 2032 ngagai tangga 2092 ba tikas entarabansa.

Ba tikas nasional, UNIMAS udah duduk ba tangga ke 16 nyentukka diatu dibanding enggau ba tangga ke 18 ari taun ke sebedau nya. Iya mega udah madahka UNIMAS udah mujur ngulihka 62 iti geran ari dalam enggau menua tasik sereta 52 projek pemansik dalam menua. Asil ari tu UNIMAS udah mujur bulih 25 gelar dalam tiga bengkah ekspo pemansik ti disereta sida, ku iya.

Sama bisi ngulu pengerami nya, Sapit Kepala Menteri Datuk Patinggi Tan Sri Alfred Jabu Numpang, Chairman Komiti Direktor Universiti Datu Dr, Hatta Solhi, Sapit Mandal Canselor Pemansik enggai Inovasyen Prof Dr Kopli Bujang enggau bala bukai.